

Segunda Carta a los Tesalonicenses

Kjibokwo ëre tara Pablorë Tesalónica sopga kong

Kjibokwo ëre sorë

Domer shäng kjłara ko Pablo. E Sbö tjłökwö łaga Jesús ąska włeniyo. Jesús wołono, ga woshrrara Sbörë iröng obi irgo ga to jem kjok dogo. Eshko ga tjłë ba tjłökwö kjaragaga kong ga łłono ga tjwe iröng obi łë. Tesalónica kjokyo ga no kjone kjone to löng tjłë ga Jesús shrono shäng iröng obi tjän, e kjışhko epga parkë ame ga pjłúe łë eni. Kuya łok ga Jesús tjłökwö kjaragaga löng eshko łi kjone kjone omtjłökwö kjrono, ga parkono łok ame.

E kjışhko ga kjibokwo ëre tara Pablorë ba kong, łłëbo ëre łlgweya wło, Jesús tjwe iröng obi sorë łi miyde łok wło. Jesús tjwayde iröng łłëm obi łi tara ba kong. Băm go ga domer tjwe kjłara obi Ą dbo łi tjok, ga nopga jyąpgwe ara łi tara ba kong. Jesús tjwe iröng obishko ga ëye măr löng Jesús go łłëm łi shdłya kjang łi tara ba kong. Ga epga ichara ber löng parkë, Jesús shrono iröng obi guing.

Dënashko ga kjibokwo ichara Pablorë epga kong kjwara. Ęre tjok ga kjwo pjök.

1 ¹Kjibokwo ëre taga tja Pablorë, Silvano, Timoteo tjok.

Jesús tjłökwö kjaragaga löng Tesalónica kjokyo, kjibokwo ëre ichërwa jek bomi kong. Pjăy Data Sbö nopga, pjăy Tjłapga Jesucristo nopga bakoe.

²Rokërwa Data Sbö kong, Tjłapga Jesucristo kong ga ba wopjłú łi kjışhko ga pjăy kjimte łok ara, pjăy ie ber löng włëp bakoe.

Tjłapga Jesús tjwe iröng obi dbaryo

³⁻⁴Pjeyoga, pjăy măr Jesucristo go jek kęgong, pjăy uunkong ëng woydë ara kar kar jek kęgong bakoe. E kjışhko ga bëy wło ga tjawa wopjłú Sbö tjok łyado. Łłëbo wen tjwe bomi kong owa ara. Pjăy shdungoba ara. Gueniyo ga pjăy măr ber löng Jesús go łyado, ba tjłökwö rayëmi łłëme. E kjışhko ga tjawa łan Sbö tjłökwö kjaragaga tjok kjok shto oblë oblëshko ga pjăy łanyotkërwa wopjłúe.

⁵Pjây shdungoba eni kjîshko ga miydëy ga Sbö tjwe no îlgwega îli, e pjîlo beke. Nopga îlgweyashko ga pjây ie Sbörë ber lõng ba nopga îyado wîlo. ⁶Bek ga bomi shdunggaga lõng îli shdüya, ⁷ga pjây shdung lõng îli ie woshtë, tjawa bakoe. Êre shârye Tjlapga Jesúsdë wen iök pjë jong ri ri roshko ba parkagaga kjok dogo so dbo ara wîleniyo tjok jâ. ⁸Tjwe ëye Sbö miydë woydë îlëm îli, Tjlapga Jesucristo tjîlökwo pjîlî îli kjrono îlëm îli, e shdungga. ⁹Epga, e shdüya îyado, dbuya to pjola Tjlapga Jesús bokshto dwayo. Ba dbo kâlâ îga lõk ame. ¹⁰Tjlapga îli tjwe dbaryo îlishko ga e poshrëya ba nopga baiyarë. Eshko ga yëy lê lõk ba tjîlökwo kragaga uunkongdë, pjây omlë eni bako, tjîlökwo lõrorwa bomi kong îli kjroromi kjîshko.

¹¹Eni ga tjawa syöshtë îyado bomi kjîshko. Pjây rokara Sbörë ber ba nopga wîlo, ga rokërwa ba kong ga pjây kjimte jëk pjîlo bek, e ber wopjîlî bomi tjok wîlo. Pjây mâr Jesús go. E kjîshko ga pjây pak pjîlî shâryë woydë Sbö kong. Eni ga rokërwa ba kong ga pjây kong dbo twe, bomi pak pjîlî îli shâryëmi wîlo. ¹²Pjây jëk pjîlo bek eni ga bi Tjlapga Jesús ko iëba ber kësbang, tjwîlo ara bomi kjîshko. Ga pjây ie ber tjwîlo ara bakoe. Îlëbo uunkong ëre shâryë bi Sbö wopjîlî îli kjîshko, Tjlapga Jesucristo wopjîlî îli kjîshko bakoe.

Îlëbo owa îli sogo

2 ¹⁻²Pjeyoga, Tjlapga Jesucristo tjwe iröng obi, shji töya ber lõng ba tjok wîlo. Gueniyo kjone kjone tjîlë ga «Tjlapga îli shrono iröng tjân» île. Laga Sbö Sëyarë lê bomi kong, laga tjawarë lê bomi kong, kjibokwo ichaga tjawarë lê bomi kong bakoe. Gueniyo jîlë îlëmi îlëm, pjây opshgawë e go îlëm bakoe. ³Pjây jyâpgwëba îlë kjîy îlëme. Bäm go ga nopga opyë ber Sbö wîloyo. E irgo ga Jesús tjwe iröng obi dbaryo îli äätë îlëm obishko ga îlëbo owa sogo îli wen tjwe eshko. Weno shäng jer wîlo îli e. ⁴E opyë ber Sbö wîloyo, îlëbo poshrëkoba Sbö wîleni îli moskwo bakoe. Woyde ga e poshrëydëba döe. Eshko ga opzrëk jek äär ber sök Sbö u jong Jerusalén kjokyo îli roshko, ga tjîlë oba kong ga «Sbö îli tja» île.

⁵Tja shäng bomi tjok obishko ga îlëbo ëre lõror bomi kong. ¿E woyo bomi kong îlëmdo? ⁶Dbar iara Sbörë, îlëbo owa sogo îli wen wîlo. Gueniyo shaga shäng kjîlara, ba dbar îli äätë îlëm obi wopro ga tjwe îlëm wîlo. Ba shaga îli ë miydëmi tjân. ⁷Sbö moskwoga lõng parkë ara tjân, gueniyo ga îlëbo owa sogo îli wen tjwe îlëm, ba shaga îli kjara Sbörë guing. ⁸Eni ga îlëbo owa sogo îli wen eshko jâ. Gueniyo Tjlapga Jesús tjwe iröng obishko ga ba kjamo pjîlukyo go dö ga e pjiya ber drete. Îkoba e goshko ga ba dbo îli kësbang anmoyö.

⁹Îlëbo owa sogo îli tjweshko ga kong dbo twaga Ârë. Îlëbo îydëba îlëm wîleniyo shârye oblë oblë. Ga oba jyâpgwe e go. ¹⁰⁻¹²Owa shârye îlë pogo, nopga pjir tjeng îli jyâpgwe e go wîlo. Nopga îli pjir, tjîlökwo bek îli woydara îlëm kjîshko. Tjîlökwo îli kjrara kjwe ga döktong e go. Gueniyo tjîlökwo bek îli kjrara îlëme. Îlëbo owa shâryara lõng wopjîlîe. E kjîshko ga raye Sbörë ga jyâpgwe îlëbo owa îlirë, tjîlökwo bek îlëm îli kjre lõk wîlo, epga ber shdungko wîlo.

Shji löng wokjang iyado

¹³⁻¹⁴Pjeyoga, pjây woyde Sbörë ara. Pjây kjrara tek dämärshko, pjây döya wlo. Ga Jesús tjlökwö roy pjlu lororwa bomi kong. E go ga pjây rokara Sbörë, ga tjlökwö bek li kjroromi, ga pjây iara Sbö Sëyarë jëk löng pjlo bek Sbö bokso. Pjây döra eni, bi Tjlapga Jesucristo tjwlo ara li ber bomi kong bako wlo. E kjishko ga bëy wlo ga tjawa wopjlu Sbö tjok iyado. ¹⁵Eni ga pjeyoga, pjây löng wokjang iyado. Tjlokwö lororwa bomi kong li, tjlokwö tororwa, ichororwa jek bomi kong li, e woyojemi llëme.

¹⁶Bi Tjlapga Jesucristo, bi Data Sbö, shji woyde lok ara. Ba wopjlu li kjishko ga shji ie lok dbokjrë iyado, shji wosonkë llëm wlo, shji ie ber löng ba koshë wopjlu wlo bakoe. ¹⁷Eni ga woydërwa ga pjây ie lok dbokjrë, pjây wosonkë llëm wlo, ba tjlokwö roy pjlu lëmi iyado wlo, llëbo pjlu li shäryëmi iyado wlo bakoe.

«Pjây syöshtë borwa kong» İara Pablorë

3 ¹Era eni ga pjeyoga, pjây syöshtë Sbö kong borwa kjishko, Tjlapga Jesús tjlokwö roy shdär kjone pogo wlo, tjlokwö li kjrëba wopjlu wlo bako, pjây omkjrono sorë ga eni. ²Nopga mär Jesús go uunkong llëme. Kjone kjone owa, wotjlik llëbo shäryë borwa kong owa. E kjishko ga pjây syöshtë borwa kjishko, tjawa döya Sbörë ba wloshko dwayo wlo. ³Gueniyo Tjlapga li, llëye İe li shärye eni. Ga pjây ie ber löng wokjang iyado, pjây wlike, pjây lon ber tjeng A wloshko llëm wlo. ⁴Miydërwa ga pjây kjimte Tjlapga lirë shäng, tjlokwö lororwa bomi kong li shäryëmi löng iyado, ga rayëmi llëme. ⁵Woydërwa ga pjây kjimte Tjlapga lirë oblë woydë ara wlo, shji woyde Sbörë sorë ga eni, ga pjây kjimte, llëbo wen bomi kong owashko ga pjây wokjang wlo, Cristo İ dik.

Shji shmi ara llëme

⁶Pjeyoga, kjone kjone shmi ara löng bomi tjreko, tjlokwö pinorwa bomi kong li kolë löng llëme. Bi Tjlapga Jesucristo ko goshko ga İerwa bomi kong jloko ga pjây jëk lok ba tjok llëme. ⁷Tjawa löng bomi tjokshko ga tjawa jëktong sorë li miydëmi pjluë. Bëy wlo ga pjây jëk eni bakoe. Tjawa löng bomi tjokshko ga tjawa shmirkono llëme. ⁸Ëye dli uororwa iguing llëme. Tjawa parkono shkë dba, ëye barwërwa llëm wlo. ⁹Pjây ichororwa borwa kjimtë dbo go kjwe ga pjluë. Gueniyo shäryororwa eni llëm, tjawa İmi wlo, pjây omshäryë eni bako wlo. ¹⁰Tjawa löng bomi tjokshko ga tjawa tjle bomi kong ga «Ëye parkë llëm ga İe llëm bakoe» İerwa eni. ¹¹Gueniyo roy kurorwa ga pjây kjone kjone shmi ara, parkë llëm, oblë İanyotke erä. ¹²Tjlapga Jesucristo ko goshko ga nopga İerwa löng li ichërwa parkë, ba dli tjwleäya lok e go wlo.

¹³Pjeyoga, pjây kwleäya llëbo pjlu shäryë llëme. ¹⁴Ëye kjibokwo tororwa bomi kong İre kolë llëm ga pjây jëk lok ba tjok ame, epga lökkjrë e go wlo. ¹⁵Gueniyo İemi ber bomi moskwö llëm, poshdüzİ bomi kjlara wleni.

Kjibokwo pjirzlong

¹⁶Shji löng wļēp ļaga Tļļapgarē. Eni ga woydērwa ga Tļļapga om go ļi ber löng bomi tjok iyado, ga pjāy ie ber löng wļēp, ļlē pogo wen tjwe bomi kong gueniyo.

¹⁷Tja Pablo, kjibokwo pjirzlong ēre tēr bomi kong bor orkwo om go go shara. Kjibokwo ichēr ē kongshko ga tja sgara ba tē jūni.

¹⁸Rokēr Tļļapga Jesucristo kong ga ba wopjlú ļi kjīshko ga pjāy uunkong kjimte ara.